



Banner 護郊野

香港市民既要繼續努力防疫，但又想維持身心健康，可以點做？當然係多啲踏足郊野，親親大自然啦。

你最近出去郊外玩嘅時候有無喺地質公園景區同來往街渡都見到掛咗「珍貴生命，勿亂攀爬。愛護環境，帶走垃圾。」嘅淺藍色 banners？

事緣我哋地質公園導賞員好想提提大家：香港自然環境十分珍貴但有啲脆弱，承受唔到好大衝擊，要靠大家用愛心去維護，郊遊活動時亦要小心照顧自己同他人嘅安全。

為咗大家一齊做好呢兩件事，「香港地貌岩石保育協會」(AGHK)、「地質旅遊發展組」(GTG)、「沙頭角文化生態協會」、「R2G」(地質公園導賞員)合力主辦咗一次 banner 大行動，推動負責任嘅綠色旅遊行為風尚。要多謝漁農自然護理署同地質公園，以及各方綠色旅遊服務商同村民嘅大力支持，令呢次推廣順利完成。

呢度有部分 banner 嘅照片同大家分享。如果你去郊遊時都見到佢，歡迎你同 banner 影返張合照，放上我哋嘅 Facebook 分享，我哋一定會俾個 LIKE 你。多謝你嘅支持！















